

Шочмо эл, порылык да чын верч!

39-ше (3583) №,
2022 ий 30 сентябрь,
кугарня.

Б У Д Ъ Г О Т О В /

Ямде лий



1933 ий 1 февраль годсек лектеш.

0+

Туныктышо, тау тыланет!



Фотом школ архивын налме



**5 октябрь –
Туныктышын ке-
чыже. Профессио-
нал пайремда дене
шокшын саламлена!
Йеҥыде тазалыкым, кужу
ймырым, чытышым,
пашаште кугу лекты-
шым тыланена.**

шке шокшо помышкыжо налеш. Нунын келге шинчымашышт, волгыдо ончыкылыкышт верч тургыжлана. Пытартыш йынгыр марте вүден нангая.

«Туныктышо чыла шотыштат онгай, шке предметшым сайын палыше, кумда эрудициян, у шонымашым таратыше, илышыште ум ужын моштышо, жап дене төр ошкылшо еҥ лийшаш», – ойлен кумдан палыме марий йылмызе, профессор Е.Н.Мустаев. Лач тыгаяк улыт кызытсе туныктышо-влак: илалшыжат, самырыкшат. Теве Оршанке район Кугунур школышто нылымше классым туныктышо И.В.Актуганова (снимкыште) уло моштымашыжым, шинчымашыжым тунемше-влаклан пөлекла, чон поянлыкшым төр пайла.

Умбакеже 3-шо лаштыкыште лудса.

Туныктышо. Тиде шомакыште мыняр пагалымаш, порылык, умылымаш?! Изи ўдыр-рвезе-влакым, школ омсам икымше гана почмекышт, парт коклашке икымше гана шичмекышт,

**3-13 октябрыште Россия
мучко ПОДПИСЧИКЫН
ДЕКАДЫЖЕ
эртаралтеш.**

2023 ийын
икымше
пелийжылан
«Ямде лий»
газетлан шул-
дырак ак дене возалташ

вашкыза:

**верласе связь отделе-
нийыште (почто);**

**podpiska.pochta.ru
сайтыште але «Почта
России» мобильный
приложений гоч.**

Индекс – П4696.



ПОДПИСКЕ

Корно походыш ўжеш



Фотом школ архив гыч налме.

Тунемше-влакым спорт туризм деке шўмангдыме, шочмо кундемым шымлаш кумыландыме шоньмаш дене «Край родной, навек любимый» туриаде республикыште эртаралтеш. Ёрша тўн школын тунемшыже-влак, тушко ушнен, «Ёрша-Шабашан» маршрут дене ик кечаш походыш миеныт (снимкыште). Шнуй памаш воктене йоча-влакым Руфина матушка вашлийын. Тунемше-шамычлан шнуй вер, храм нерген каласкален. Пўртўс лонгаште кечывал кочкышым ыштеныт. Тулото йыр шинчын, мурым муреныт. Поход чылалан келшен. Вескана уло школ дене каяш кумылангыныт.

И.ВЕДЕРНИКОВА.

Советский район.

Увер

«Культура» нацпроект почеш Марий Элыште шуко функциян модельный шымше книгагудым почыныт. Советский посёлкысо А.С.Крупняков лўмеш рўдў библиотеке у тўсым налын. Книга фонд справочник, мутер, энциклопедий, сылнымутан литература дене пойдаралтын.



Авторын фотожо.

У тургым - у спектакль

М.Шкетан лўмеш Марий национальный драме театр 104-ше тургымым 6 октябрьыште тўналеш. У.Шекспирин «Гамлет» пьесыж да Ф.Гладковын «Цемент» романже почеш шындыме «Гамлет. Машина. Цемент» спектакль-кином (снимкыште) калык ончыко луктеш. Режиссёр – С.В.Пектеев.

– Мемнан Гамлетна – марий рвезе. Моско олаште кўшыл шинчымашым налме да йотэлыште лийме деч вара тудо шочмо кундемшыкыже пўртылеш. Шекспир тусо жаплан келшыше ефын койыш-шоктышыжым почын пуэн гын, ме, у йўным кучылтын, тачысе кечылан келыштаренна. Шонаш таратыше, келге шоньмашан спектакль-кином рушла субтитр улмылан кўра умылаш куштылгырак лиеш, шонем, – оила Степан Пектеев.

Театрыш кошташ йоратыше-влакым у тургымышто ятыр премьер вуча.

Е.ИВАНОВА.

Российысе увер

26 сентябрь гыч 16 октябрь марте 1-11-ше класслаште тунемше-влаклан «Искусственный интеллект в стартапах» теме дене урок эртаралтеш. Тудо «Урок цифры» всероссийский тунемме проект радамыште лиеш.

14-22 ияш улыда? Тугеже «Пушкин знает» всероссийский конкурс – тыланды. Йоратыме произведенийда гыч персонаж нерген ик ми-нутах видеом войзыза да «ВКонтакте» соцкылыш #пушкинзнает хэштег дене верандыза.

5-17 ияш ўдыр-рвезе-влакым «Леонардо» всероссийский конкурсышко ушнаш ўжит. Келшыше технике дене пайдаланен, «Мыйын йоратыме олам» теме дене сўретым сўретлыман. Пашам konkurs.leonardo.ru сайтыш 10 октябрь марте колтыман.

Марий Элысе увер

Республикысе йоча да самырык-влаклан В.Х.Колумб лўмеш книгагудо «#Вместе-Ярче» республикысе сўрет конкурсым увертарен. Тушко 6-12 ияш йоча-шамыч ушнен кертыт. Пашам 17 октябрь марте колтыман. Тўрыс увер – rubcolumba.ru сайтыште.

Театрлан пўлеклалтше «Финн-угор транзит» калык усталык да сымыктыш тўнямбал фестиваль Марий Эл, Удмурт, Карелия республиклаште да Коми-Пермяк автоном округышто эртаралтеш. Фестивальым 6 октябрьыште Йошкар-Олаште почыт.

Марий Эл Республикысе тўвыра, печать да калык-влакын пашашт шотышто министерстве «Марий Элын идалькысе эн сай книгаже – 2022» республикысе конкурсым увертарен. Иктешлымаш 10 декабрьыште лиеш.



Туныктышо, тау тыланет!

**Тўналтышыже –
1-ше лаштыкыште.**

И.В.Актуганован школышто пашам ыштымышлан кум ий веле лиеш гынат, йоча-влакын йоратымашыштым, пагалымашыштым шукертак сулен. Чонлан келшыше сомылым кыртмен, устан шукта.

– Ирина Владиславовна, туныктышың пашаже чондам мо дене сымластарен?

– Мый туныктышо лияш изинек шоненам. Авам Валентина Николаевна тўналтыш класслам туныктен. Мыят тунемшыже лийынам. Тудын сайын умылтарымыжым, раш кутырымыжым тўткын колыштын, чаткан чийымыжым ончен, тиде профессийым ойыраш кумыл шочын. Адакшым авамын пашажым

Марий

Элыште у тунемме ийыште 50 утла самырык педагог школышко пашам ышташ толын. «Земский туныктышо» федеральный программе дене кандаш ең пайдаланен.

умбакыже шуаш шоненам.

– Тачысе туныктышо ожнысо деч ойырте малтеш?

– Илыш кажне кечын ончыко кая. У технологий-влак шындаралтыт. Туныктышо тудым устан, кўлеш семын кучылт моштышаш. Мастарлыкшым тўрлў конкурсышто тергышаш. Эшежым йочалан чыла «пурын пуышаш» огыл. Икшывым шымлаш, шке гыч тунемаш таратышаш. Меат илыш дене тўр ошкылаш тыршена.

– Те шкеже марий шўлышан улыда. Тунемшыда-влакат тендам ончен кумла ныт?

– Школна марий шўлышан. Но икшыве-влак шке коклаштышт рушла угларак кутырат. Мый нунылан марий йылмын моторлыкшым, кўлешлыкшым умылтарем. Икмыняр тунемшем «Шонанпыл» ансамбльышке коштеш. Марий шўлышышт ий гыч ийыш вянеш манын ўшанем.

Х.АЛЕКСАНДРОВА
мутланен.

Сенгымаш

Т.Г.Жиркова Россиянын лу эн сай экопросветительже радаммыш логалын. Тудо Юрино посёлкысо



С.А.Лосев лўмеш школышто биологийым да химийым туныкта. **Экокласс.рф** проектыште 120 тўжем туныктышын пашажым акленит. Туныктышо-влак экологий теме дене интерактивный урокым пуэныт, йоча-влак дене пырля тўрлў конкурсыш ушненыт.

Волжск оласе **Увер**
4-ше номеран шко-

лышто географийым туныктышо **Т.А.Жидко** Тюменьыште эртаралтше **«Учитель года России – 2022»** всероссийский конкурсышто Марий Элын чапшым арален.

Ярославльыште **«Воспитатель года России – 2022»** всероссийский конкурсын финалже эртаралтын. Оршанке посёлкысо «Родничок» йочасадын **воспитательже, педагог-психологшо Н.А.Петухова** мастарлыкшым ончыктен.

«Лучший учитель родного языка и родной литературы – 2022» всероссийский конкурсышто Советский посёлкысо 3-шо номеран школын туныктышыжо **Р.А.Богомолова** шке вийжым терген.

Пайрем дене!

Туныктышо профессийым эн чытыше, поро кумылан, тыматле койыш-шоктышан ең ойыра. Лач тыгай класс вуйлатышем В.П.Покровская. Тудо математике ден информатикым туныкта. Валентина Петровна келге шинчымашым пуымо верч тырша. Чын илыш корныш шогалаш, сай айдеме лияш кумыланда. В.П.Покровская Туныктышын кечыж дене саламлем.

Таня КУВШИНОВА.

Волжский, Сотнур.

Пашажым йората

Мыйын аваем, Светлана Витальевна (**снимкыште**), Звенигово район Шолэнер школышто йот йылмым туныкта. Эрдене весела кумыл дене школыш ошкылеш. Кастене, сурт сомылкам тўрлымеке, адак туныктымо пашажым шуя. Ноен толеш гынат, шижам, аваем шке пашажым да йоча-влакым пеш йората. Мый авам дене кугешнем да Туныктышын кечыж дене шокшын саламлем.

Даша ИВАНОВА.

Морко, Коркатово.



Фотом еш архив гыч налме.

Кокымшо ава

Мыйын туныктышем – Т.А.Конакова. Тудо мемнам кумшо ий туныкта. Татьяна Анатольевна поро кумылан, ныжылге. Чылт кокымшо ава гай. Тунемшыже-влакым пеш чамана. Южгунам изиш вурсалта. Урокышто сайын, чаткан умылтара, садлан мый у темым ушышкем вигак пыштем. Мўнгысў пашамат куанен ыштем. Авам «визытан» ден «нылытан» отметкыла дене куандарем.

Костя ШЕХУРДИН.
Шернур, Кукнур.





– Тиде толкын дене кумшо классыште тунеммем годымак палыме лийынам. Экологий агитбригаде-влакын конкурсыштышт кумшо верым сеҗен налмына чонеш поснак кугу кышам коден. Школышто эртаралтше чыла мероприятийыште вӱдышӧ улам. Мураш, почеламутым лудаш йӱратем, – ойла ӱдыр.

Классыштыже редколлегиын членжылан шотлалтеш. Школ илыш нерген районысо газетышке заметкылам воза. Робототехнике дене пенгыде кылым куча. «Надежда» во-

Ончыко ӱшанлын ошкылеш

Марий Турек район Косолап школын тунемшыже-шамыч Школьник-влакын россиясе толкынышт дене пенгыде кылым кучат. Ик эн чолгаже – кудымшо классын тунемшыже Анастасия Зайцева (снимкыште).

лонтӧр отрядышке коштеш. Пырля погынен, «Академия

творчества» проектым илышыш шындареныт. Тунемше-влак куд кружокым шке гыч вӱдат. Мураш, кушташ, сӱретлаш, фото ден видеомышташ туныктат, тӱрлӧ постановкым шындат.

– РДШ мыланна тӱрлӧ могырым виянаш, ончыко ӱшанлын ошкылаш йӱным ышта. Ме проект пашам возена, конкурс ден фестивальышке ушнена. Калык ончылно мастарлыкнам ончыктена. Чылажат ончыкылык илышыште кӱлеш, шонем. Школыштына тиде толкыным вӱлатыше Ирина Михайловна Богдановалан мыланна полшен шогымыжлан – кугу тау, – ойла чолга ӱдыр.



Изи ошкыл – кугу сенгымаш



Х.АЛЕКСАНДРОВА.
Фотом еш архив гыч налме.

Увер

Школышто театр кружокым але студийым почаш шонет? Шонымашетым шукташ «Школьная классика» всероссийский проект полшен кертеш. Тушко ушнаш йодмашым 7 октябрь марте колтыман. Тӱрыс увер – рдш.рф сайтыште.

Койдымо пашалан – пӧлек

Пӧтъял школын тунемшыже-влак «Спасибо за заботу» всероссийский акцияшке ушненыт. Нуно школышто кочкаш шолтен пукшышо, арулыкым эскерыше-влаклан таум ойленыт. Шке гыч сӱрастарыме открытым кучыктеныт да пеледыш аршашым пӧлекленыт (снимкыште). Нине пашаен-влакын сомылышт кажне еглан огеш кой гынат, моткоч кӱлешан пашам шуктат. Садлан нуным пагалыман да аклыман.

Н.ВАСИЛЬЕВА.

Волжский район.



Фотом школ архив гыч налме.

Пиал шыргыжалын

Мый школысо «Рвезе тукым» йоча ушемын ик эн чолга волонтержылан шотлалтам. Тидым шотыш налын, Волонтер-влакын республикысе форумштышт кенез каникул годым лияш пиал шыргыжалын. Морко район гыч 21 тунемше форумшко ушнен. Марий Эл Республикысе «Авангард» военно-патриотический рӱдерыште август мучаште эртаралтше сменяште уш-акылем пайдаренам. Тудо пионерийлан 100 ий теммылан пӧлеклалтше лийын. Кажне кечын тӱрлӧ модыш, таҥасымаш, лӱмлӧ еҥ-влак дене вашлиймашла эртаралтыныт. Республикысе йоча-шамычым иквереш погаш Марий Элысе самырык-влак политике, спорт да туризм министерстве кугу польшыым пуэн.

Ксения ЯНДАКОВА.
Морко, Шӱргыял.



Кенезымат ече дене коштеш

Йоча-влак, те кузе шонеда! Ече дене кошташ йоратыше-влак кенезым капкылыштым кузе шуарат! Вашмутым иканаште палышда, очыни. Куржталыштыт, ечероллер дене коштыт. Звенигово район Шолэнгер школын 9-ше классыштыже тунемше Полина Петрова (снимкыште) спорт дене кылым кудияшыж годым кучаш тўналын. Изи ўдыр, изажын медаль ден кубокшо-шамычым ончен, тудын гай тале спортсмен лияш кумылангын.

– Школыш тунемаш кайымеке, ече дене кошташ тўналынам. Тренер Нестер Арсентьевич Александров вий-куатем шижын, кумылан ден моштен. Кокымшо классыште тунемшем годым Звенигово олаште эртаралтше ече дене районысо таңасымаште икымше верым налынам. Тиде мыйын икымше сеңымашем лийын да умбакыже шуаралташ вийым ешарен, – ойла самы-

Ф И З К У Л Ъ Т - У Р А



рык спортсмен. – Ече дене кошташ куштылгырак. Лум ўмбалне чоҗештен кайымыла чучеш. Ечероллер дене кошташ вий утларак кўлеш.

Полина тренировкылан каже кечын ик-кок шагатым ойыра. Сеңымашыжат ятыр. Эн куандарышыже – биатлон дене Марий Эл Республикын да Йошкар-Олан первенствыштышт икымше вер. Ечероллер дене Марий Эл Республикын чемпионатыштыже шке ийготан-влак коклаште икымше верым шукурте огыл сенген налын.

Е.ИВАНОВА.

Фотом еш архив гыч налме.

Увер

«Готов к труду и обороне» всероссийский физкультур да спорт комплексын III фестивальжын финалже Калининградыште эртаралтын. Фестиваль эн виян спорт еш-влакым иквереш чумырен. Финалыште Российын 47 регионжо гыч 47 еш (чылаже 188 спортсмен) таңасен. Марий Элын чапшым Милютинмыт еш: ача – Александр Юрьевич, ава – Эльвира Аркадьевна, нунын Настя ўдырышт да коча – Юрий Леонидович – арален.

Спортсмен-влак спортын могай видше дене пенгыде кылым кучымышт дене чаплененыт! Могай вид уто?

Александр Анюков	Футбол
Алексей Швед	Хоккей
Герман Титов	Баскетбол
Даниил Медведев	Теннис
	Ече

Кумыл волен огыл

Волжск олаште «Нацийн кроссо» таңасымаш эртаралтын. Игече йўран лийын гынат, кумылан-влак ятыр погыненыт. Тушко Марий Элысе тўрлő район, пошкудо республикла да олала гыч 6-73 ияш еш-влак ушненыт. Меат йолташем-шамыч (снимкыште) Ренат Хасаншин, Егор Нахимов да Макар Чикаев дене вийнам тергенна. Сеңыше радамаш лектын огынал гынат, кумылна волен огыл. Вес ийлан сайынак ямдылалтына. Ала сеңышыш лектына?!



Фотом еш архив гыч налме.

Волжск, 2-шо номеран школ.

Давид ТИМОФЕЕВ.

Россий Федерацияысе цифровой виянмаш, связь да массовый коммуникаций министерствын окса польшыж дене лукмо.



Куанен ила



Фотом еш архив гыч налме.

нймашыжым Мишук шольым дене шулен колыштына. Шуко йӱсым чыташыже логалын гынат, илышлан куанен ила. Таза лий, Лиза ковай!

Аня ВИНОГорова.

Звенигово, Шолэнгер.

1 октябрь –
Илалше-влакын
тӱнямбал кечышт.

Порын шарналтем

Володя кочамым порын шарналтем. Тудо Морко районсо Ердӱр ялыште илен. Кочам деке унала мияш йӱратенам. Толмашешем ош шоколадым, сокым эре налын ямдылен. Кочаем пеш поро, ушан лийын. Тудын туныктен каласыме ойжо-шамычым эре шарнем.

Тек кажне коча-кован ласка шонгылык лишеш. Уныкашг-влак куандарат. Аралыза, пагалыза коча-ковадам.

Ксения ИВАНОВА.

Морко, Коркатово.

Ит вашке ойгыраш

Чылт чевер олма гай
тыйын чуриет,
Пуйто кайык йӱк гай
сылнын мурымет.
Ах, ковай, мый тыйым
пешак йӱратем,
Шӱм гыч лекше мутым
таче каласем.

Шомакет эн шерге,
чылт ший-шӱртнӱ гай,
Кумылет – лай порсын,
чоныштет – со май.
Ойгыраш ит вашке,
шыргыж, куанал,
Илышет лишеш тек роза гае ал.

Аня ПРОХОРОВА.

1-ше №-ан Шернур школ.

Эн шыма

Лида ковам эн поро, эн шыма, эн мотор. Унала мием – үстел тич сийым ямдыла. Шӱрашан мелнажын пшыжо уремыш шумеш шижалтеш. Подкогылыжым кочкын, шерет ок тем. Ковамлан кенежым чывигым оролаш, пукшаш, йыраг-лаште шӱкшудым сомылаш, вӱдым шаваш, саскам погаш полшенам. Шудымат ямдылена. «Кӱ паша деч ок лӱд, туддеч йогыжат коранеш», – ойла ковам. Тудлан кужу ўмырым, пенгыде тазалыкым да пиалым тыланем.

Алина СУБОТИНА.

2-шо №-ан Морко школ.

Пеледыш гай

Мыйын ковам – Зоя Федотовна (снимкыште). Тудо кочкаш пеш тамлын шолта. Кенежым пакчаште пеледышыже тӱрлӱ тӱс дене



т о р а ш к е волгалтеш. Кажне кушкыл дене чонан се-мын кутыра. Ковам шкежат пеледыш гай. Лишыл енемым Илалше-влакын тӱнямбал кечышт дене шокшын саламлем.

Юля ЯГОДАРОВА.

Советский, Кельмаксола.

Шонгыенлан – полыш



Айдеме чон порылык-шо ден лишеш эре виан...
А.ИВАЧОВА.

«Кугуракым пагале, изиракым чамане» калыкмутым Морко район Унчо школышто тунемше йоча-шамыч раш умылат. Садлан тимуровец-влакын отрядыштым чумыренит. Шонгыен-влаклан кертмышт се-мын полышым пуат. Шукерте о-гыл Е.П.Митрофанова деке миенит (снимкыште). 84 ияш ко-ва илыш корныжым, сар годсо пагытым шарналтен. Йо-ча-влак Елена Петровнам шу-шаш пайрем дене саламленит, пӱлекым кучыктенит.

О.ВАСИЛЬЕВА.

Фотом школ архив гыч налме.



Владимир АЛЕКСАНДРОВЫН сүретше. Волжский, Сотнур.

Палаш онай Плазмодий понгын йолжо уке, но «коштын» мошта. Тудо туртшо медузым ушештара. Вошт коеш. Кок могырыш лүггалтын тарваны-леш. Эсогыл пундышыш күзен кертеш.

Лектыш куандарыше

Ме «Зимовка» сорт паренгым нылымше ий куштена. Тений лоп вереш 15 йыраңым шындышна. 13 сентябрьште паренгым күнчышна гын, лектыш моткоч куандарыше. Тыгыдыже чумыржо ведрат пеле лекте, урлыкаш – мешакат пеле, молыжо – чыла шолдыра. Лу паренгын нелытшым висалтен ончышым: кандаш килограмм! Тиде сорт паренгым тыландат шындаш темлем. Тудын шудыжым колорад копшанге ок коч, шүкшудо шочын ок керт, фитофтор чер ок витаре. Паренге шудо, лум толмешке, ужарген кушкеш.



Даша СОШИНА. Морко, Купсола.



Сүретым чиялыт.ыза.

3 октябрь –
Понгым погышын
кечыже.

Ом коч, но погем

Мый понгым кочкаш ом йорате, но погашыже келша. Лышташ йымак шылын шичше изи, мотор, йыргешке понгым ужмеке, кузе от куане?! А те паледа, понгым вожге погаш ок лий, шочмым чарна. Мый тудым күзö дене пүчкам да ведрашке пыштем.

Артём ИВАНОВ.
Йошкар-Ола,
24-ше №-ан школ.



Тушто

Йолжо уло – кемже уке.
Упшыжо уло – вуйжо уке.

Синквейн

Паренге
Йыргешке, нарынче.
Кушкеш, пукша, куандара.
Мыйын йоратыме кочкыш.
Пакчасаска.

Лиза КИТКАЕВА.
Шернур, Кукнур.

МАРИЙ ЭЛ РЕСПУБЛИКАН ТУВЫРА, ПЕЧАТЬ ДА КАЛЫК-ВЛАКЫН ПАШАШТ ШОТЫШТО МИНИСТЕРСТЫЖЕ		М.Шкетан лумеш Марий кугыжаныш драме театр		Марийский национальный театр драмы им. М. Шкетана	
ШЫЖА		ОКТАБРЬ			
6	из 18:00	ПРЕМЬЕРА Спектакль-кино	ГАМЛЕТ. МАШИНА. ЦЕМЕНТ	У. Шекспир	10
7	кв 18:00	ПРЕМЬЕРА Спектакль-кино	ГАМЛЕТ. МАШИНА. ЦЕМЕНТ	У. Шекспир	10
8	сб 16:00	ПРЕМЬЕРА Письма Богу	ОСКАР И РОЗОВАЯ ДАМА	Э. Шинтл	10
9	вс 16:00	ПРЕМЬЕРА Школа в одном действии	ПОСАДИТЬ ДЕРЕВО	А. Житковский	1 шаг. 30 мин.
11	вт 18:00	История одного допроса	ЧЕЛОВЕК ИЗ ПОДОЛЬСКА	Д. Данилов	1 шаг. 30 мин.
13	из 18:00	Эпос	ЮГОРНО / Песнь о вещем пути	А. Спиридонова	1 шаг. 30 мин.
15	шм 16:00	РФ-н урло, 2018-н калык срг. О. Кушмановский фестиваль	АЧИЖАТ-АВИЙЖАТ... Дромс / Эж, рорителн...	М. Шкетан	1 шаг. 30 мин.
20	из 18:00	Документальный драме	ИЙВАН КЫРЛА. ПУТЁВКА В ЖИЗНЬ	С. Пестеев	2 шаг. 30 мин.
21	кв 18:00	Комедий	ТОРЕШВАТЕ / Укращение стропильной	У. Шекспир	1 шаг. 30 мин.
22	шм 16:00	Комедий	БАВАЙ / Ба	Ю. Тулкина	2 шаг. 30 мин.
23	рш 16:00	Мюзикл	ШИЙ ПАМПАЛЧЕ / Серебряная Пампалче	З. Дюгова С. Янчукова	1 шаг. 50 мин.
25	вт 18:00	Сказки народов мира	FOLKS	С. Пестеев	1 шаг.
30	рш 16:00	Комедий	КИТАЙ КУВА / Китайская бабушка	А. Богачёво	1 шаг.

Театрын художественный уналытышке —
Марий Эл искусствын сүло министрлык
Васильев ГЕКТЕБ

БИЛЕТЫМ НААШ
8(8362)7-13-71
SHKETAN.RU

СЕРТИФИКАТ НАУТ
8(8362)7-13-71

Рекламе.

«Ямде лий» газет
Тун редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://t.me/yamedelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари
рий Эл Республикысе
культур, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем,112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № Ту52-01335,
2021 ий 29 сентябрьште пуымо.

0+

Печатьыш пуымо жап –
14-00,
фактически – 13-00

Авторын да редакцийын шоныма-
штыш түрлө лийын кертыт. Серыш-
влак мөнгеш огыт колталт.
Ак – кутырен келшыне почеш.
Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо порт.
Тел. 8(8362) 45-22-82(факс).



Конкурс

Галина ТРОФИМОВА.
Морко посёлко.

Йўлам арале –
тўвырам
пойдаре




Репинмыт еш.
Советский, Ўрша.




Алёна
АЛЕКСАНДРОВА.
Морко посёлко.


Циферблатиште шагатым чын ончыктыза. Кече радамда нерген возен колтыза.



3:20




11:35



16:59

Сүретым тўткын ончалза. Тыште мо уто? Молан!



Понгылаште согласный ден гласный буква-влакым палемдыме. Согласный букван понго-шамыч шукшан улыт. Погымыда годым тўткө лийза.




8

Задаче

Знайка, Незнайка ден Пилюлькин 14-ше, 17-ше, 19-ше номеран пөртлаште илат. Знайка 19-ше ден 17-ше номераныште ок иле, Незнайка – 19-шыште. Кажныже кушто ила? Палыза.



Ойырте-влакым муза.



Интернетесе сүрет-влакым кучылтмо.